

## newyddion Cymraeg Colegau Cymru #193 24 Awst 2015

**Croeso i e-newyddion Colegau Cymru yn y Gymraeg - y diweddariad wythnosol o newyddion colegau addysg bellach Cymru.**

Os ydych yn darllen copi sydd wedi ei anfon atoch gan rywun arall, ac hoffech danysgrifio eich hun, da chi [Cysylltwch](#).

Dyma rifyn arbennig sy'n rhoi'r holl sylw ar **ganlyniadau Safon Uwch** y colegau addysg bellach ac yn llongyfarch y cystadleuwyr o Gymru yng nghystadleuaeth sgiliau fwy'r byd - **WorldSkills**.

**Welcome to Welsh language edition of the CollegesWales e-news.**

Do please [let us know](#) if you would like to subscribe to our English language version as well as - or instead of - this Welsh language version.

This is a special edition of enews that showcases the successes of Wales' further education colleges in this year's **A level exams** and in congratulating Wales' competitors in the largest skills competition on Earth - **WorldSkills**.

### Canlyniadau Safon Uwch

#### Canlyniadau Trawiadol Colegau Cymru yn Arholiadau Safon Uwch

Mae cyfradd lwyddo Safon Uwch ystod eang o golegau addysg bellach Cymru yn uwch na chyfartaledd y DU. Mae'r gyfradd lwyddo ar y graddau uchaf hefyd wedi gweld cynnydd nodedig mewn nifer o golegau. Mae llawer o fyfyrwyr coleg nawr ar fin cychwyn eu ffordd i brifysgolion mawreddog megis y Grŵp Russell a Rhydgrawnt.

Yn dangos cyfradd lwyddo uwch na chyfartaledd y DU (98.1%) mae Grŵp Llandrillo Menai, Coleg Gŵyr Abertawe, Grŵp NPTC, y Coleg Merthyr Tudful, Porth Ddysgu Blaenau Gwent Coleg Gwent, Coleg Sir Gâr a Choleg Sir Benfro. Yn ogystal, mae colegau eraill wedi cwrdd â chyfradd lwyddo Cymru (97%).

Mae colegau yn darparu rhan sylweddol o'r addysg academaidd yng Nghymru. Er enghraifft, safodd 1,000 o fyfyrwyr Coleg Gwent arholiadau Safon Uwch eleni, a 650 yng Ngrŵp Llandrillo Menai. Mae Coleg Gŵyr Abertawe yn cynnig tua 50 o opsiynau Safon Uwch, gyda 86 o fyfyrwyr yn cyflawni graddau A\*-A eleni.

Bu canlyniadau trawiadol hefyd o newydd-ddyfodiaid i'r Safon Uwch - Y Coleg Merthyr Tudful a Parth Ddysgu Blaenau Gwent.

Y tu hwnt i'r ystadegau, mae hanesion o lwyddiant unigol anhygoel, gan gynnwys hanes myfyriwr o Goleg y Cymoedd, [Jacob Lewis, sydd bellach ar ei ffordd i Gaergrawnt gyda 4 A\\*](#) er gwaethaf sefyllfa bersonol anodd iawn -

bu'n ddi-gartref eleni.

| [Mwy ar ganlyniadau Colegau Cymru](#)

---

## Canlyniadau fesul coleg

Am fwy o wybodaeth am ganlyniadau pob un o'r colegau yng Nghymru, cliciwch ar y dolenni isod.  
(Rhestrir y colegau yn nhrefn yr wyddor.)

[Chweched y Rhyl \(Grŵp Llandrillo Menai\)](#)

[Coleg Caerdydd a'r Fro](#)

[Coleg Cambria](#)

[Coleg Catholig Dewi Sant](#)

[Coleg Ceredigion](#)

[Coleg Gwent](#)

[Coleg Gŵyr Abertawe](#)

[Coleg Sir Gâr](#)

[Coleg y Cymoedd](#)

[Coleg Sir Benfro](#)

[Grŵp Llandrillo Menai](#)

[Grŵp NPTC](#)

[Y Coleg Merthyr Tydfil](#)

---

## Sylw yn y papurau lleol

Bu i'r gweisg lleol ym mhedwar ban roi sylw i ganlyniadau'r colegau. Dyma flas ohonynt.

[Grŵp NPTC yn y SW Evening Post](#)

[Coleg Gŵyr Abertawe yn y SW Evening Post](#)

[Coleg Sir Gâr yn y Carmarthen Journal](#)

[Proffil myfyrwyr Grwp Llandrillo Menai a Choleg Cambria yn y Daily Post](#)

[Grwp Llandrillo Menai \(Gwynedd\) yn y Daily Post](#)

[Grŵp Llandrillo Menai \(Sir Ddinbych\) yn y Daily Post](#)

[Coleg Cambria \(Wrecsam\) yn y Daily Post](#)

---

## WorldSkills

Bu i WorldSkills - cystadleuaeth sgiliau fwy'r byd - gymryd lle yn Sao Paulo, Brasil rhwng 12-16 Awst.

Roedd y 41 o gystadleuwyr a oedd yn rhan Dîm y DU ymhlith y cyfanswm o 1,200 o gystadleuwyr o bob rhan o'r byd.

Cyflawnodd **Cymru** a'r DU eu canlyniadau gorau hyd yma.

Enillodd tîm y DU tair medal aur, pedair medal arian a dwy fedal efydd, yn ogystal â 24 Medaliwn Rhagoriaeth (a ddyfernir i gystadleuwyr sy'n cyrraedd 500+ o bwyntiau cystadlu - sef meincnod "safon gorau yn y byd").

Roedd pedwar o gystadleuwyr o Gymru yn Nhîm y DU (dau yn cael eu cefnogi gan golegau - Coleg Meirion Dwyfor a Choleg Sir Gâr), gyda thri ohonynt yn ennill Medaliwn Rhagoriaeth (ar gyfer Gwaith Coed, Technoleg Ceir a Thrin

Gwallt).

Yn ogystal, roedd pedwar o Reolwyr Hyfforddiant Tîm y DU yn dod o golegau Cymru (Dylunio Gwe, Melino CNC, Gwaith Coed, Her Cynhyrchu mewn Tîm).

Caiff hanes Cymru yn y WorldSkills ei gynnwys yn [y storify yma gan GolegauCymru](#)  
Ceir trosolwg gwych o daith Tîm y DU yn WorldSkills Sao Paulo o'r dechrau i'r diwedd yn [e-lyfr FE Week](#)

Canlyniadau Tîm y DU: | [FE News](#) | [Find a Future](#) | [TES](#)

[Fideos o Dîm WorldSkills UK ym Mrasil](#)

[Ffrwd Flickr WorldSkills UK](#)

Dyfynnir Eleni, cystadleuydd o Gymru (dan gefnogaeth Coleg Sir Gar) wrth [i Dîm y DU ymweld ag ysgol yn Sao Paulo ar gychwyn WorldSkills](#)

Proffil o Owain Jones (Coleg Meirion Dwyfor) ar [wefan y CITB](#) cyn mynd ac hefyd yn y [Daily Post 19 Awst](#)

---

## WorldSkills yn y cyfryngau prif ffrwd

'Dylai WorldSkills gael llawn cymaint o sylw â'r Gemau Olympaidd' medd y papur newydd y [Times Educational Supplement](#). Mae'n dadlau y gallai llwyddiant y DU yn y gystadleuaeth WorldSkills ym Mrasil ddod â manteision i'r system sgiliau gyfan.

Er nad yw cyfryngau prif ffrwd y DU yn barod (eto?) i roi cymaint o amser ar yr awyr i WorldSkills, aeth Steph McGovern (BBC Breakfast) i WorldSkills Sao Paulo 2015 ag o ganlyniad i'w brwdfrydedd amlwg iawn, cafodd gwylwyr y BBC eu blas cyntaf o'r gystadleuaeth enfawr hon. Am y tro cyntaf, cafwyd cyfres o ddarnau ar WorldSkills ar **BBC Breakfast, BBC 5 Live, Radio 4, a BBC Ar-lein (tudalennau Busnes)**.

O ddiddordeb gwleidyddol allweddol i Steph McGovern oedd pam nad yw'r DU yn rhoi proffil uwch WorldSkills a sgiliau technegol.

Er i bob cystadleuydd yn Nhîm y DU dderbyn [llythyr gan David Cameron](#) ac i Ddirprwy Weinidog Llywodraeth Cymru arwain derbyniad i ffarwelio â'r pedwar o Gymru cyn iddynt ddechrau ar eu taith i Frasil, mae gwledydd eraill yn rhoi proffil uwch a gwobrau mawr i'w cystadleuwyr.

Wrth fynychu WorldSkills am y nawfed tro, dywedodd Is-Lywydd Gweithredol Samsung wrth y BBC bod ei wlad enedigol, Korea, yn trin ei chystadleuwyr fel sêr, gyda'r enillwyr yn derbyn rhoddion gan gynnwys arian parod a thai. "Mae hwn yn faes bwysicach na chwaraeon", meddai. "Mae'n gysylltiedig â chynhyrchiant a lles pobl".

Ym Mrasil, telir ffioedd prifysgol y buddugwyr cynhenid.

Yn yr Iseldiroedd, mae cynlluniau ar y gweill i roi wynebau eu cystadleuwyr ar bosteri mewn arosfannau bysiau ar hyd a lled y wlad.